



新撰 淫瀆 書 地理 考 彙 釋

ル 5
133
6





呂
133
6

新輯注地里志卷第十一

所錄
有

嘉定錢坫著

大興徐松集釋

漢中郡秦置

秦惠王後十三年置

莽曰新成屬益州戶十萬一千五百七十口三十萬六百

一十四縣十二

西城

在今興安府城西北漢水之北後漢書注今金州縣也

太平寰宇記故城在今縣西北四里漢江之北西城山

之東閩氏若璩曰胡身之通鑿注謂漢中治西城誤松

按仙人唐公房碑公房成固人王莽居攝二季君
為郡吏是時府在西成去家七百餘里休謁往來轉景
即至閩郡驚焉西成即西城是漢中治始在南鄭後移

西城胡氏
未為誤

旬陽

今興安府洵陽縣太平寰宇記金州縣也漢書音義音
詢

北山旬水所出南入沔

水經注水北出旬山今水出鄂縣東南太乙山東南流
逕鎮安縣西又東南合孝義川水即柞水也又逕洵陽
縣東北入漢水

南鄭

在今漢中府城東二里後漢書注故城在今縣東北高
祖為漢王所都華陽國志秦厲公城之閻氏若璩曰元和郡縣志漢中

郡自漢以還多理南鄭高帝都之是漢中治南鄭矣又按水經注云秦惠王置漢中郡南鄭縣即郡治漢因之可知南鄭之為郡治實始於秦也

旱山池水所出東北入漢

水經注池水俗謂之獠子水今日老渚河也出府城南
之青石關西南東北流逕關西入漢水

褒中

在今漢中府褒城縣南十里後漢書注今梁州縣也華

陽國志昭帝元鳳元年置

都尉治漢陽鄉

房陵

今鄖陽府房縣括地志今房州縣也武帝紀作防陵古

字通十三州志即春秋時防渚

段氏玉裁曰房陵左傳之麋國成大心敗麋師

於防渚關駟曰防即房陵也

維山維水所出東至中廬入沔

此水今無所考一說今襄陽府城西北有清泥河即是

舊本維字皆作淮依漢中巴蜀二志校改

又有筑水東至筑陽亦入沔

今亦曰沮水原出房縣南景山北流逕縣城西北折東

南流逕保康縣北折東北流至穀城縣南入漢

東山沮水所出東至郢入江行七百里

水今出遠安縣北北風山南流逕縣城西又東南逕當

陽縣北合漳水逕麥城東南入江段氏玉裁曰沮左傳作睢皆七餘反後譌

為祖讀曰租今襄陽沮水左右地皆曰沮中亦謂之租中吳志赤烏四年諸葛瑾取租中與魏志正始四年諸葛瑾攻沮中

正是一事

安陽

在今漢中府洋縣東北一百三十里太平寰宇記洋州

真符縣本安陽地

鬻谷水出西南北入漢

水經潏水出南鄭縣東南旱山北至安陽縣南入于沔

注即黃水也今日洋河原出西鄉縣東南鹽場關北山

北流逕魚渡路西又北東合木馬河入漢王氏念孫曰鬻谷水衍谷

字鬻水即水經之潏水

左谷水出北南入漢

水經注卽堰水也出城固縣西北東南逕縣城東北入漢

成固

在今漢中府城固縣東北六里括地志故城在今縣東六里元和郡縣志韓信所築

沔陽

在今漢中府沔縣東南十里如淳曰此方人謂漢水爲沔水

有鐵官

錫

今鄖陽府城太平寰宇記均州鄖鄉縣也郡國志春秋

時曰錫穴地記漢中郡東界有錫縣古之錫穴也應邵

音陽

莽曰錫治

武陵

上庸

今鄖陽府竹山縣元和郡縣志竹山縣理卽上庸縣也長利千二百四十六百工官補十三

在今鄖陽府鄖西縣西南李奇以爲鄖子國

有鄖關

在今鄖陽府城西

廣漢郡高帝置

六年也華陽國志高帝分巴置廣漢郡武帝又割置犍為郡故曰分巴割蜀以成犍廣劉遠曰三蜀本一蜀高帝分置廣漢武帝分置犍為為三

莽曰就都屬益州戶十六萬七千四百九十九口六十六萬二千二百四十九有工官縣十三

梓潼

今縣州梓潼縣後漢書注今始州縣也段氏玉裁曰今劍州及縣州之

梓潼縣為漢梓潼地

五婦山

山在今梓潼縣北十二里太平寰宇記在縣北十五里水經注縣有五女蜀王遣五丁迎之至此見大蛇入山

穴五丁引之山崩壓五丁及五女因名山為五婦山亦

曰五婦候段氏玉裁曰五婦山今劍州州西北五十里之五子山

馳水所出南入涪

說文解字潼水出縣北界南入夔江水經梓潼水西南

入涪注即馳水亦曰潼水也今水原出莒溪南流逕縣

城西入涪水段氏玉裁曰馳水即潼水水經注謂之梓潼水又曰南入之涪江今謂之潼江射江

灞江

行五百五十里莽曰子同

汁方

今成都府什邡縣括地志故城在今縣南四十步後漢書注益州縣也說文解字郡國志作什邡表作汁方史

記留侯世家作什方後漢西狹頌作汁邠並同應邵讀汁爲十如涪讀爲什

葬曰美信

涪

今緜州城通典今緜州城卽漢涪縣城矣後漢書注今

緜州縣

有孱亭

太平寰宇記羅江縣卽孱亭也今廢縣在緜州西南九

十里巴蜀志孱水出孱山今水在緜州東五里入涪

莽曰統陸

雜

在今成都府漢州南通典後漢書注並云故城在今縣

南松按水經注云雒水逕雒縣故城南廣漢郡治也漢高祖置廣漢郡于乘鄉永初二年移涪城後治雒縣是廣漢郡治云者據最後者而言非漢初卽治雒縣去蜀郡成都治甚近分巴蜀意在控馭不應二郡治相接

章山

山在今什邡縣西六十里水經注作漳山

雒水所出南至新都谷入湔

水今出章山東南流逕什邡縣南漢州北金堂縣東水

自此而南曰湔雒亦曰鴈水亦曰中水蓋與沱江支渠

合也王氏念孫曰新都乃縣名非谷名谷字衍漢新都故城在今新都縣東

有工官莽曰吾雒

緜竹

在今縣州德陽縣北三十五里通典後漢書注元和郡縣志並云故城在今縣東太平寰宇記在德陽縣北三十五里

紫巖山

山在今縣州縣竹縣西北三十里

縣水所出東至新都北入雒

今日縣陽河原出紫巖山東南流逕縣竹縣西北德陽

縣西南至漢州東入雒水

都尉治

廣漢

今潼川府鹽亭縣地

閻氏若璩曰水經注云漢高祖六年分巴蜀治廣漢郡於乘鄉王莽

曰廣信即廣漢縣是廣漢郡治此松按隸釋載廣漢長王君治石路碑廣漢不稱令是邑不滿萬戶恐非郡治

莽曰廣信

葭萌

在今保甯府昭化縣東南五十里括地志故城在益昌

縣後漢書注今益昌縣漢葭萌縣也華陽國志蜀王封

其弟子漢中號曰苴侯因命之邑曰葭萌應邵音家盲

錢氏大昕曰古音明如盲松按葭萌北與沮接界禹貢嶓冢山在其地梁州之潛出于龍門山亦在縣北不知班氏何以失之蓋誤認西縣之嶓冢為卽嶓冢耳又按萌當從今志作明

郾

在今潼川府城西南通典後漢書注並云故城在今縣

西南太平寰宇記在縣南九里又云在飛鳥縣北三十

五里按今飛鳥廢縣在府城西南一百三十里疑寰宇記云九里應作九十里脫一字耳

新都

在今成都府新都縣東二十里通典後漢書注並云故城在今縣東李膺益州記成都新都廣都蜀號三都

甸氏道

應在今階州東李奇讀甸為賸

白水出徼外東至葭萌入漢

水今出岷州東北西傾山南麓番語曰羅插普刺山也原曰裴雜塔拉衆流雜出匯而成渠東南流逕武都山西南西固城東北又東南逕階州南文縣東俗稱之曰

黑水江南逕玉壘關南流至昭化縣北入西漢水亦曰

葭萌水亦曰墊江也

過郡一行九百五十里

應過武都廣漢二郡

莽曰致治

白水

在今昭化縣西北

剛氏道

在今龍安府城東

涪水出徼外南至墊江入漢

水今出松潘衛東分水領東南流逕龍安府城東折東

逕府城南又東折南逕江油縣東環彰明縣城而東南
 逕縣州城東潼川府城西北射洪縣東遂甯縣東合州
 西北而與西漢水會水經涪水出涪縣西北南與梓潼
 水合梓潼水又西南入墊江注涪入漢水墊即白水蓋
 西漢得白水之後即可稱為墊江又涪水亦得墊江之
 目皆互受通稱之例耳

過郡二行千六十九里

過廣漢巴二郡

陰平道

在今階州文縣西北太平寰宇記今曲水縣也

北部都尉治莽曰摧虜

松按宋本漢志作推虜

蜀郡秦置

秦惠王後九年司馬錯伐滅之十一年封子通于蜀

有小江入并行千九百八十里禹貢桓水出蜀山西南行
 羌中又南海

水經桓水出岷山岷山即蜀山也據之則水與江同原
 矣禹貢和夷底績鄭康成曰和讀為桓桓夷者近桓水
 之夷也據之則是唐之吐番今之西藏矣桓水即大金
 沙江歟番名雅魯藏布江原出藏西界卓書特部落西
 北三百五十里達木楚克哈巴布山東北流合江加蘇
 木拉河又東合阿拉楚河又東有那烏克藏布必拉東

北來注之又東南有郭永河東南來注之又東南折東
有薩楚藏布河東北來注之又東有雍出河南來注之
又東有式爾的河南來注之又東有滿楚藏布河北來
注之又東有阿里宗河東南來注之折東北有薩爾格
必拉東南來注之屈曲又東南有加木祖池水南來注
之屈曲又東北有莽噶拉河南來注之又東北逕章喀
則城北又東北有敖褚必拉西北來注之又東北逕盆
蘇克靈城北又東北有婆色納木山河南來注之又北
有戒忒楚河北來注之屈曲又東有打克北朋楚河北
來注之又東有薩布河南來注之又東逕日喀則城北
城在衛地喇薩西南五百餘里今班禪之所居也喇薩

唐時吐番國都今達賴之所居也又東有年楚河南來
注之又東北有尙那木林河北來注之又東逕普東廟
前又東北有烏雨克河北來注之又東逕林犇城北有
龍前河南來注之又東北有捏木河西北來注之折東
南逕拜的城北又東北逕楚舒爾城南又東南逕日喀
爾公噶爾城北而與噶爾招木倫江會屈曲又東逕薩
木他廟前又東逕乃布冬城北又東有巴楚河北來注
之又東南逕桑里城南也勒庫城北又東逕敖噶打克
匝城西南有聽里馬楚河東北來注之折東南屈曲逕
也勒庫城打克布拉碎城之東北當波衣孤魯那木加
城打克布同春城打克布衣那城之北約數百里有年

渚河北來注之又東逕父母哈廟北合薩母龍拉水又東南逕森打馬廟西禿哥里山西南南流入羅喀布占國界而與岡布藏布河會又東南與朋出藏布河會折西南入厄納特克國而入於南海松按原志作小江入謂禹貢之桓水即水經注之白水此別是一水班氏指為禹貢之桓水何其謬也王氏念孫曰謂此入小江并

行千九百八十里也
莽曰導江屬益州戶二十六萬八千二百七十九口百二十四萬五千九百二十九縣十五

成都

今成都府城閻氏若璩曰蜀郡治成都以王貢兩龔鮑郡初治廣漢之雒縣元鼎二年始徙治成都

戶七萬六千二百五十六有工官

郫

在今成都府郫縣北通典後漢書注並云故城在今縣北元和郡縣志在縣北五十里蜀王本紀望帝治汶山下邑郫楊雄傳汶山之陽曰郫

禹貢江沱在西東入大江

今日郫江也蜀中水自李冰鑿離碓穿二江以後已變禹舊迹其原無可復攷今自灌縣西南分江逕崇甯金堂新都南逕簡州資陽資州至瀘州復合者此也

繁

在今成都府新繁縣東北三十五里後漢書注故城在

新繁縣北

廣都

在今成都府城東南四十五里後漢書注故城在成都縣東南太平寰宇記雙流縣地也在舊廣都縣南十二里蜀王初都也華陽國志元朔二年置

莽曰就都亭

臨邛

在今邛州南五里後漢書注今邛州縣也

僕于水東至武陽入江

水經注云布僕水又云江水與文井江會李冰所導也至臨邛與布僕水合至武陽入江者即此今日布僕水

也原出州西八十里東流逕州城南合蒲水至新津縣

西入江

過郡二行五百一十里

過蜀犍爲二郡

有鐵官鹽官

水經注臨邛縣有火井鹽井昏夜之時光興上照博物志火井一所從廣五尺深二三丈在縣南百里今井在

邛州西八十里

松按隸釋載後漢永元羊寶道碑云青衣尉趙君到官六日郡召守蜀鐵官

莽曰監邛

青衣

今雅州府名山縣地後漢書注今龍游縣也順帝陽朔

禹貢蒙山溪

二年改曰漢嘉

松按元和郡縣志蜀郡其理本在青衣蓋秦時治也

蒙山即今峩眉山也在嘉定府峩眉縣南有大峩在縣

西一百里小峩在縣南三十里中峩在縣南二十里禹

貢曰蔡蒙蔡者大也如曰大蒙矣括地志蒙山在嚴道

縣南十里南史劉峻傳蒙山去南安二百里

段氏玉裁曰按志之

例當云禹貢蒙山在方有蒙谿

大渡水東南至南安入泚

舊本泚作泚非也山海經云濛水濛與蒙字同水出蒙

山故亦曰蒙水水經青衣水出青衣縣西蒙山東與沫

水合至南安縣入江今日青衣江也原出蘆山縣東蘆

山今日伏牛山西麓南流逕縣城東又西南折而東逕

雅州府城北又東南逕洪雅縣南夾江縣南至峩眉縣

東入泚今之大渡水志所云泚水也今之青衣水志所

云大渡水也

段氏玉裁曰泚當作泚松按水之所經曰峩眉山曰大峩山曰三峩山曰峩邊似皆

以泚得音則作泚者未為非

江原

在今成都府崇慶州東南三十里

鄴水首受江南至武陽入江

應邵音鄴為壽說文解字鄴蜀江原地在今天崇慶州西

北五十里太平寰宇記鄴江一名阜里水自青城縣南

流逕温江縣入江原縣界今日南江也大江自灌縣西

分爲二一流東循灌城曰北江一流東南逕崇慶州至新津縣曰南江

莽曰邛原

嚴道

今雅州府城括地志今爲縣卽雅州所理也秦昭王相嚴君疾封于此故縣有是稱南史劉峻傳青衣水左側並是秦嚴道地

邛來山

山今在雍州府榮經縣東四十里王尊傳云邛邽九折阪劉淵林蜀都賦注又作邛萊皆字通括地志作邛夔夔來字形相近華陽國志又稱邛笮

邛水所出東入青衣

今日榮經水也出榮經縣東南北流逕縣城東北至雅州府城西入青衣水

有木官

蜀都賦注引作橘官王氏念孫曰木官當作橘官蜀都賦注可證下文巴郡胸忍魚復二

縣並云有橘官

莽曰嚴治

縣虎

今茂州保縣應邵音斯

玉壘山

山在今灌縣西北三十里元和郡縣志在導江縣西北

二十九里又云在汶川縣東北四里劉淵林曰山在成都西北

湍水所出東南至江陽入江

大江自灌縣西分爲二其一循灌縣城者曰北江北江又分爲三其一自縣寶餅口東北穿三泊洞逕新繁新都至漢州入雒者曰湍水下流亦曰湍江亦曰沱江亦曰雒江亦曰緜江皆互受通稱至瀘州合大江松按縣水入雒

過郡三行千八百九十里

過蜀犍爲二郡三字疑誤段氏玉裁曰過郡三蜀郡廣漢犍爲也

旄牛

在今榮經縣西南黎大所南段氏玉裁曰旄牛

鮮水出徼外南入若水

水經注若水東南流鮮水注之一名州江大渡水出徼外至旄牛道南流入于若水卽今打冲河也原出番界曰黑惠江亦曰納夷江逕鹽井衛西北境入鴉龍江若水亦出徼外南至大笮入繩

山海經南海之內黑水之間有木名曰若木若水出焉水經若水出旄牛徼外東南至故關爲若水今日鴉龍江也原出西番裡唐城西北匝巴顏喀喇山東南流曰雜楚必拉約流六百餘里抵巴顏喀拉巴林南折南流又二百里抵匝楚七其拉哈納必拉又東南約六百里

抵八拉馬朱蘇多渾又百餘里抵古對界曰鴨龍江也古對者番及內分界也直打箭鑪西三百餘里又二百餘里抵喇滾又南流約四百餘里合打沖河逕鹽井衛北折東流逕甯遠府西境又折南逕鹽原縣東又南入金沙江卽繩水也

過郡二行千六百里

自古對入境至入金沙江約一千六百餘里

徙

在今雅州府天全州東二十里史記西南夷傳自巂以東北君長以什數徙笮都爲大服虔曰徙國名

滿氏道

今茂州東北地

禹貢嶧山在西徼外

山在今龍安府松潘同知城北邊外嶧又作汶說文解

字作鬻封禪書一名瀆山

閩氏若璩曰漢滿氏道今爲松潘衛在成都府西北七百

六十里岷山又在衛西北二百二十里曰大分水嶺江源出焉

江水所出東南至江都入海

水今出松潘徼外岷山曰羊膊嶺有兩原北源曰岡出

阿林南原曰那哥多母精阿林東南流約二百里而合

抵黃勝關關在松潘城東北江自關逕松潘城東南流

逕北定關西魏門關西茂州西折西又南逕威州西汶

川縣西灌縣西温江縣西崇慶州西新津縣西眉州東

仁壽縣西井研縣西嘉定府城東又東南逕犍爲縣東
敘州府城東又東逕南溪縣南江安縣北納溪縣西瀘
州南合江縣北又東北又東逕江津縣北又北逕重慶
府城東長壽縣南酆都縣南又東北逕忠州東南萬縣
南又東逕雲陽縣南夔州府城南巫山縣南巴東縣北
歸州南宜昌府城西南宜都縣北枝江縣東北松滋縣
西南荊州府城南又東南逕石首縣北監利縣南屈曲
逕華容縣東岳州府城西北又東北逕臨湘縣西北沔
陽州東南嘉魚縣北漢陽府城東南武昌府城西又東
折南逕黃州府城西南武昌縣北大冶縣東北蘄州西
興國州東北廣濟縣南黃梅縣南瑞昌縣北九江府城

北湖口縣北又東北逕望江縣東東流縣西安慶府城
東南池州府城北銅陵縣西北繁昌縣西北蕪湖縣西
太平府城西北江浦縣東江甯府城西又東逕儀徵縣
南鎮江府城北又北折東南逕泰州西南泰興縣西靖
江縣南江陰縣北通州南昭文縣北太倉州北入于海
禹貢汶山道江東別爲沱又東至于澧今華容縣過九
江今九江府至于東陵今光州固始縣東迤北今望江
東流二縣會于滙今具區東爲中江入于海說者以今
巴邱當東陵以洞庭當九江以彭蠡當滙誤矣
過郡七行二千六百六十里

過蜀犍爲巴南長沙江夏廣陵七郡江水自松潘入境

至太倉共得七千九百餘里然則此二千應作七千也

字誤

段氏玉裁曰江水過郡九 蜀郡 犍為郡 丹陽

郡會稽郡齊氏召南曰過郡七 七字誤言行二千餘

里亦大誤江自蜀至海即漢也沅也皆入江支水漢由

西縣東南至江州入江曰行二千七百六十里湘由零

陵北至鄱縣入江沅由故且蘭至益陽入江並日行二

千五百三十里以岷江之遠從西塞蟠折巴蜀襟帶荆

楊其里數僅與沅湘均反不如漢水之長乎此為轉帶荆

脫誤灼然易曉趙氏水經注釋曰宋本漢志作過郡九

行七千六百六十里王氏念孫曰說文繫傳水部

江下引漢志與趙氏所見宋本同當據以訂正

汶江

今茂州太平寰宇記故城在汶山縣北二里舊汶山郡

治武帝置昭帝省

段氏玉裁曰司馬彪酈道元皆作汶江道縣有蠻夷謂之道

泝水出徼外東至南安東入江

本亦作泝水誤也今日大渡河原出大邑縣西北霧中

圓覺牛心三山三原並發西南流至上下魚通而與打

箭爐同知城西南來之水會折而東又南逕化林營西

又南折東逕曬經關北又東得越嶲水又東曰陽江逕

峩眉縣南又東北得青衣水逕嘉定府城南入江

錢氏大斲

日說文泝水出蜀汶江徼外東南入江從水我聲別無

泝字水經注泝水出徼外逕汶江道南至南安入大渡

水大渡水又東入江亦從我不從哉志作泝者傳寫之

譌然廣韻十六哈部有泝字注云水名出蜀則沿譌實

始於唐矣

過郡三行三千四十里

過蜀越嶲犍為三郡

江沱在西南東入江

今無此水華陽國志七國時杜宇稱帝于蜀號望帝其相開明決玉壘以除水害帝遂禪位于開明此沱水疑為開明所決今保縣東南有玉輪江其故瀆歟段氏玉下所載是郫之沱也汶江之沱尚當在其上流未審今何水

廣柔

在今茂州汶川縣西七十里通典後漢書注並云故城在汶川縣西元和郡縣志西七十二里

蠶陵

在今茂州西北黑水河之西北通典後漢書注並云故城在翼水縣西太平寰宇記在衛水縣西明一統志在疊溪千戶所城北三里益州記自白馬嶺回行二十餘

里至龍涸又八十里至蠶陵縣又南下六十里至石鏡

莽曰步昌

犍為郡武帝元鼎六年開

依字犍作犍文穎曰犍為犂柯南夷越嶠益州西夷也

段氏玉裁曰犍宋本說文从木隸釋曰漢碑皆作犍為

莽曰西順屬益州戶十萬九千四百一十九口四十八萬九千四百八十六縣十二

犍道

今敘州府城高誘讀犍為匍匐之匍應邵曰故犍侯國夷中最仁有人道故字從之水經注秦紀所謂犍僮之富者也閻氏若璩曰犍為郡治犍道以西南夷傳知之又曰元和志云昭帝時犍為郡自犍道移理武

陽今眉州彭山縣西北五里有犍爲故城是犍爲郡先治犍道後治武陽也

莽曰夔治

江陽

今瀘州元和郡縣志今州城是也

武陽

在今眉州彭山縣東十里後漢書注故城在隆山縣東太平寰宇記在彭山縣東北十五里相傳城張儀所築有鐵官莽曰戢城

南安

今嘉定府城史記稱鄧通蜀郡南安人是縣本屬蜀武帝開犍爲後改屬也

有鹽官鐵官

資中

今資州後漢書注其城在資陽縣太平寰宇記資陽縣本漢資中縣

符

在今瀘州合江縣西元和郡縣志今合江縣也水經注故巴夷之地華陽國志元鼎二年置
溫水南至營入黔水黔水亦南至營入江
說文解字溫水出犍爲涪南入黔水水經延江水出南廣縣東至營縣至涪陵縣注更始水涪陵今涪州據之則延江今之涪江也其上原曰黔江俗曰烏江黔與黔

字同稱烏者亦以黔義通之今烏江原出威甯州東北
山東流逕七星關南畢節縣南大定府城南黔西州南
又東折北逕修文縣西北開縣西鎮南關西折東逕遵
義府城南甕安縣北餘慶縣北湄潭縣南龍泉縣東南
石阡府城西北折北又東逕思南府城南折北逕印江
縣西婺川縣東西陽州西彭山縣西折西逕南川縣東
折北至涪州東入江志温水入黔漢水入延皆入是水
當在今思南遵義二府之境而莫可指據矣滇黔之間
水道今古殊流兼變其稱曰雖善攷古者亦莫能符證
焉水經延江水至酉陽縣入于酉水又云江水至枳縣
西延江水北流西屈注之注水乃延江之枝津分水北

注逕涪陵入江故亦云涪陵水今則烏江與酉水無能

津通矣洪氏亮吉日暨水為今湘江温水黔水為今合

至遵義東境之清乘橋北有鳳凰溪東北自綏陽西
西南流來會又東南入湘江仁江在遵義城東南五十
里源出永安驛山澗下流合湘江至班志所云至暨入
江者謂入延江水也段氏玉裁曰此志疑有奪字以水
經注正之疑當云温水至暨入黔水黔水亦出符至
暨北入江暨非入江之地今云至暨入江非例也

莽曰符信

牛鞞

在今成都府簡州西一里元和郡縣志州即牛鞞縣也
九域志陽安有牛鞞鎮元封二年置孟康音鞞

南廣

今昭通府城東北地元和郡縣志協州即南廣縣也太

初元年置

汾關山符黑水所出北至夔道入江

今日清水河也原出永甯衛南雪山北流逕衛東瀘州

衛東至納溪縣西南入江

又有大涉水北至符入江

今日赤水河也原出鎮雄州西北山東流逕永甯縣南

龍場營北羿子關北屈曲逕土城西仁懷縣西至合江

縣東入江

過郡三行八百四十里

二水無過郡之理未識志所云云水經注大涉水注符

黑水符黑水注江似以赤水河當符黑水也或未然歟

漢陽

似今酉陽州彭縣地

都尉治山關谷漢水所出東至警入延

延即延江水

莽曰新通

郁鄂

說文解字無郁字水經作存云存水出存鄂縣東南至

定周為周水又東北至潭中注于潭據之則今都勻府

地今周水出獨山州即存水之原歟

王氏念孫曰說文無郁字華陽國志

晉書亦作存蓋本作存因鄂字加耳也

自玉篇始有郁字而字書韻書仍其誤

莽曰辱鄂

朱提

今威甯府地水經注縣在郡南千八百許里蘇林讀朱為銖提為匙云北方人名七曰匙余以乾隆六十年七月得漢漢安洗朱提字作提按玉篇云提即匙字是義與蘇林合矣

松按蘇龍顏碑陰有功曹參軍朱緄李融之

山出銀

諸葛武侯曰漢嘉金朱提銀采之不足以自食蓋謂此也應邵曰朱提山在縣西南

堂琅

今東川府城東南地南中志堂琅山多毒草盛夏三月飛鳥過之不能得去州郡志作堂狼余所得漢安洗亦

作狼

越嶲郡武帝元鼎六年開

應邵曰有嶲水言越此以章休盛水經注越嶲水即繩若孟康讀嶲為髓

莽曰集嶲屬益州戶六萬一千二百八口四十萬八千四百五縣十五

邛都

在今甯遠府城東南括地志今嶲州也

閩氏若瓌曰越嶲治邛都以西

南夷傳知之

南山出銅有邛池澤

後漢書邛都縣武帝所開無幾而地陷為汗澤因名為

邛池南人以爲邛河南中志縣東南數里有水名邛廣
都河從廣二十里深百餘丈後漢書注邛池在越嶲縣
東南

遂久

應今麗江府城西劍州西北地

松接遂久縣徽外又有
淹水東入若水段氏玉

裁曰蓋淹水亦合
金沙江以入江

繩水出徽外東至夔道入江

今日金沙江亦曰麗江亦曰犁牛河亦曰念諾水番名
木魯烏蘇原出西藏之巴薩通拉木山東北流得喀七
烏蘭木倫水水出勒斜爾烏蘭達普蘇阿林亦曰別原
也又得拜都河水亦曰別原也三原既合又東北得阿

克打木河又北得托克托乃烏蘭木倫又北得波羅必
拉又東北逕那木唐龍山北孤羅板波羅濟山南折東
南得那木七圖烏蘭木倫又東南得枯枯烏蘇又東折
西南得圖哈爾圖哈拉烏蘇又東南得你林喀刺烏蘇
又東得齊濟爾哈納枯枯烏蘇又東南得敦出河又東
南抵塔城關爲番內分界又東南折北逕麗江府城北
曰金沙江折南逕鶴慶州東折東逕賓川州北大姚縣
北又東與鴟龍江會又逕武定府城北祿勸州北又東
折北逕東川府城西會理州東又北逕甯遠府城東折
東合馬湖亦曰馬湖江東至敘州府城南入江

過郡二行千四百里

過越嶲犍爲二郡

靈關道

在今雅州府蘆山縣西北六十里劉淵林曰靈關山名在成都西南漢壽界其前司馬相如傳云靈山道

臺登

在今甯遠府冕甯縣北元和郡縣志嶺州縣也應邵曰今臺高

孫水南至會無入若

今日安甯河三原北原出甯番衛北山曰瓦那河西原出衛西南曰小村河東原出冕甯縣東曰松林河合名之安甯河南流逕禮州所西甯遠府城西屈曲逕迷易

所東會川衛西入金沙江華陽國志云白沙江也
行七百五十里

定筰

今甯遠府鹽原縣元和郡縣志昆明縣也文穎曰卽筰

都沈黎郡治此徐廣音昨韋昭音昨松按漢書注引茂陵書沈黎郡治荏

都去長安三千三百三十五里領縣二十一

出鹽步北澤在南都尉治

服虔曰今蜀郡北部都尉治本筰都也

會無

在今甯遠府會理州西會川營是元和郡縣志會川縣也華陽國志故濮人邑今有濮人家

東山出碧

笮秦

郡國志作笮秦松按汲古閣後漢書作笮秦疑字誤也

大笮

今永北同知地

姑復

應今永北同知城東南地在金沙江之南以復水得名復水即淹水也說文解字淹水出越巂徼外東入若水水經淹水出遂久縣徼外東過姑復縣南入若水今無是水州郡志作古復

臨池澤在南

三絳

應今永甯土府地郡國志作三絳水經注云小會無也

蘇示

在今甯遠府西北六十里元和郡縣志故城在巂州西北二十五里

尼江在西北

疑即今開基河也原出永甯土府南東北流逕甲母河西麓入鴉龍江

松按甲母河西麓河字疑誤

關

在今甯遠府越巂通判城北二十里太平寰宇記今邛都縣華陽國志故邛人邑郡國志作關

錢氏大昕曰關續志作關當从

之若本文是關注不應又音關也

卑水

在今甯遠府會理州東北水經注繩水左合卑水水東流注馬湖江疑卽今之巴蕉溪也水東入馬湖孟康音班

濶街

青蛉

在今麗江府城南應邵曰青蛉水出西東入江水經注青蛉水出縣西至遂久入若水今日漾共江原出府西北玉龍山南流逕府城西鶴慶州東又南折東入金沙江

臨池澤在北

疑卽今之程海也在麗江府城東南永北同知城西南土順州之南

僕水出徼外東南至來唯入勞

今日欄滄江原出西藏鹿石山東南流抵匝坐里岡城曰拉楚河亦曰墨楚必拉也又東南抵蒙番怒夷境至塔城關曰欄滄江又逕怒山東劍川州西雲龍州西永平府城西永昌府城東順甯府城北雲州北鎮沅府城西普洱府城西下流入阿瓦國界又東南逕老撾界又東南入安南國爲富良江入于海

過郡二行千八百八十里

過越嶲益州二郡

有禺同山

後漢書注禺同山在哀州揚波縣唐書地理志哀州南

接姚州則山當在今大姚縣之北金沙江南也松按原作則禺

同山錢校改王氏念孫曰禺同山上不當有則字未知何字之誤

有金馬碧雞

郊祀志或言益州有金馬碧雞之神可醮祭而致于是

遣諫大夫王褒持節而求之如涪曰金形似馬碧形似

雞也今地志相傳金馬山在雲南府城東二十五里碧

雞山在府城西南三十里非也一說今麗江府城東北

二十里有金馬山而碧雞無可攷滇省郡縣唐末為南

詔所據繼為蒙段二氏并分至元世祖平大理漸以其

地內屬故稱名皆不符于古至于水之經流斷瀆地志

家並不致詳以今郡縣求合二漢水經云云每多舛戾

余亦畧存大概非如三河三齊三楚三秦諸地之指確

明證焉或有大謬不然則通人皆能見之矣

益州郡武帝元封二年開

武帝紀元封二年遣將軍郭昌中郎將衛廣發巴蜀兵

平西南夷未服者以為益州郡應邵曰郡故滇王國也

史記西南夷傳靡莫之屬以什數滇最大

莽曰就新屬益州戶八萬一千九百四十六口五十八萬

四百六十三縣二十四

滇池

今雲南府晉甯州後漢書注今晉甯縣也如瀆音滇為

顛上林賦顛歌文穎曰顛即滇字其縣人能作西南夷

歌閩氏若璩曰益州郡治滇池以西南夷傳知之

大澤在西滇池澤在西北

池在今晉甯州西北括地志在晉甯縣西南三十里譙

周異物志滇池在建甯界有大澤水周二百餘里水乍

深廣乍淺狹似如倒流故俗曰滇池如志言則滇池即

大澤矣今池在州之西北連及州西南北三百餘里疑

在西北者曰滇池在西者曰大澤耳西南夷傳池方三

百里南中志池周二百五十里段氏玉裁曰滇池今雲南府附郭昆明縣府城

南之滇池是也城西南八十里為海口大河即滇池導流之處下流至武定府注於金沙江金沙江在敘州府江入

有黑水祠

雙栢

應今雲南府昆陽州地水經注葉榆水南與濮水同注

滇池澤于連然雙栢縣

同勞

西南夷傳滇王其眾數萬人其旁東北勞深靡莫皆同

姓相仗勞即此也又為勞水所逕之地

銅瀨

應今曲靖府陸涼州西北地水經注迷水出銅虜縣右

注温水

談虜山

郡國志云同瀨山地道記云銅虜山談虜銅瀨字聲相

近同用

迷水所出東至談藁入温

水今無所攷

連然

今雲南府安甯州

有鹽官

俞元

今澂江府城

池在南橋水所出東至母單入温

此北橋水也今日江川縣水池即仙湖在澂江府城南

東西三十里南北五十里橋水出江川縣西東流逕縣

城南豬為湖東西十里南北二十里今日應星湖其水

東出又豬為湖即仙湖也又東出入入達河即温水也

王氏念孫曰池上脫南字池在縣南故曰南池水經温

水注曰橋水上承俞元之南池東流至母單縣注于温

即本此志

行千九百里

今無千九百里亦改流也水經注水與邪龍分浦然則

本自蒙化府境來矣

今日羅藏山在澂江府城西北郡國志云裝山字形相近而誤

收靡

應今曲靖府尋甸州地郡國志作牧靡說文解字同晉書地里志作牧麻李奇曰靡音麻牧麻升麻也古聲升收相轉作收靡亦通華陽國志直作升麻云山出升麻段氏王裁曰收靡後志作牧靡華陽國志作升靡蓋收升牧三字同紐隸釋益州太守碑牧靡字三見晉書亦收作

南山臘谷涂水所出西北至越嶲入繩

今之牛欄江也上原曰車洪江出嵩明州南東北流逕尋甸州東南馬龍州西北曲靖府西北霑益州西北折

北逕宣威州西者海東折西北逕烏蒙土府南曰牛欄

江下流入金沙江

松按今本臘下奪谷字又按西者海俟攷段氏玉裁曰當依水經注若水篇補之錢氏雖已補而注未明言又曰涂水入繩水經注作入若水蓋繩與若合下流得受通稱矣水道提綱曰金沙江即古繩水

過郡二行千二十里

過益州越嶲二郡

穀昌

在今雲南府城北十里華陽國志漢武帝將軍郭昌討平之因名郭昌縣以威夷孝章時改爲穀昌也

秦臧

應今雲南府富民縣西地

牛關山即水所出南至雙栢入僕行八百二十里水今無攷

邪龍

應今蒙化府地水經注縣于不韋縣為東北

味

應在今雲南府呈貢縣東南水經注温水西逕昆澤縣

又逕味縣孟康讀味為昧段氏玉裁曰今本作味宋本

莫貝切縣名在益州類篇同當改正疑此大字作昧孟康音昧古二字本異音故孟明此昧作昧也

昆澤

應今雲南府宜良縣地水經注温水逕談藁縣又逕昆

澤縣

葉榆

今大理府城史記西南夷傳州郡志並作櫟榆韋昭曰

櫟音葉

葉榆澤在東

今名西洱海在府城東

貪水首受青蛉南至邪龍入僕

今日漾備江其水首受欄滄江于麗江府城西界曰工江東南流逕劍川州西循曰石山之麓曰白石江又逕浪穹縣西鄧州西曰漾備江又逕大理府西趙州西西洱海入焉又逕蒙化府城西至雲州北始入欄滄江也

行五百里

律高

應今廣西府地水經注温水逕律高縣南

西石空山出錫

郡國志作石室山

東南監町山出銀鉛

劉淵林作盤町山

不韋

今永昌府城水經注縣故九隆哀牢之國也華陽國志
孝武置不韋縣徙南粵相呂嘉宗族居之以章其先人
之惡

雲南

今大理府雲南縣

舊唐

應今永昌府西地史記所謂嵩昆明也

周水首受徼外

疑卽今潞江也番名鄂宜爾楚蒙古名哈刺烏蘇又因
出怒夷界稱之曰怒江原出衛地喀薩北大澤曰布喀
鄂模當大流沙東南東南流又得一澤曰厄爾及根鄂
模東北又得一澤曰衣達鄂模折東南爲喀刺池曲屈
數百里抵巴楚山東北出衛地入喀木界曰鄂宜爾楚
河又數百里抵羅龍宗城又數百里抵喀所突廟又數

百里抵米刺龍巴又二百餘里入怒夷界曰怒江又南流抵怒山夷及內之分界也又南流逕雲龍州西永昌府城西騰越州東西南入阿瓦國界

又有類水西南至不韋水經注類水出嶠唐縣西南流曲折又北流東至不韋縣注瀾滄水疑卽今泚江也原曰弩弓河出劍川州西北山南流逕浪穹縣西雲龍州東至永平府城西北入瀾滄江

行六百五十里
弄棟
今楚雄府姚州太平寰宇記姚城縣也郡國志作楸棟

益州記蜀人謂領爲棟

東農山母血水出北至三絳南入繩
今日大姚河也原出鎮南州北山北流逕姚州東折東逕大姚縣南折北又東北入金沙江
行五百一十里

比蘇
州郡志作芑蘇

賁古
應今臨安府近地水經注葉榆水又逕賁古縣北

亮吉證以盤水知漢賁古縣爲今普安安南地

北采山出錫西羊山出銀鉛南烏山出銀

母掇 應今臨安府甯州地說文解字郡國志作毋掇字同用也

橋水首受橋山東至中留入潭

水經注溫水逕母掇縣東與南橋水合與此異者潭水即溫水也因下流潭溫互受故于此同稱耳今日小曲江原出新興縣北山南流逕嶧峨縣東河西縣西折東南逕通海縣西折東逕甯州西入八達河

過郡四行三千一百二十里因至中留入潭之義而云然也應過益州牂柯鬱林三郡

莽曰有掇

勝休

應今臨安府河西縣地水經注南橋水上承河水于俞元縣東南逕勝休縣州郡志作騰休

河水東至母掇入橋

疑即今甸苴湖也在通海縣北河西縣東挾小曲江入八達河

莽曰勝棘

建伶

應邵音鈴

來唯

應今開化府西地

從陞山出銅

陞古陀字

勞水出徼外東至菴伶入南海

疑卽今把邊江也原出蒙化府城東東南流逕安定縣

西南景東府城東鎮沅府城西普洱府城西下流曰李

仙江入安南國界齊氏召南曰各本俱作麋冷誤也當作麓冷交趾郡之屬縣

過郡三行三千五百六十里

過越舊益州交趾三郡也

牂柯郡武帝元鼎六年開

應邵曰臨牂柯江也十三州志江中山名水經注江中

兩山名左思賦吐浪牂柯者也華陽國志楚頃襄王時

遣莊躋伐夜郎軍至且蘭椽船于岸而步戰既滅夜郎

以且蘭有椽船牂柯處乃改其名曰牂柯崔浩曰牂柯

繫船杙也按牂柯江卽豚水

莽曰同亭有柱蒲關

水經注作柱蒲

屬益州戶二萬四千二百一十九口十五萬三千三百六

十縣十七

故且蘭

今遵義平越二府地太平寰宇記故城在建安縣西應

邵曰故且蘭侯國閩氏若璩曰牂柯郡治故且蘭以西南夷傳知之洪氏亮吉日且蘭治當

在今清平都江之間正臨都江之上又云且蘭治在黃平州以西都勻府以北松按二說一也惟在都勻北則隔沅水不得言臨都江耳

沅水東南至益陽入江

說文解字同水經沅水出且蘭為有溝水東至鐔成縣為沅水今出平越府城西北東北流合數小水折東逕府城南曰猪梁江又東北逕清平縣北重安驛南曰重安江東合馬尾河曰清水江又東入生苗境出境逕黎平府北沅州府城南黔陽縣南曰沅江折北逕溆浦縣西辰溪縣西折東逕瀘溪縣東南辰州府城南桃源縣東南常德府城南龍陽縣北入洞庭湖洪氏亮吉日沅水下至入江皆東北流惟經辰州府城外稍東南流數里即折向北故說文作沅水出將柯故且蘭東北入江漢

志作東南者傳寫之誤也

過郡二行二千五百三十里

過武陵長沙二郡洪氏亮吉日以今道里計之沅水實行二千三百餘里古里數較短故多於今也段氏玉裁曰過郡二二當作三謂將柯武陵長沙國

鐔封

應今鎮安府地

溫水東至廣鬱入鬱

依志義則水經溫水之原即豚水之原而非此也依志義溫水今之南盤江亦曰西洋江原出廣南府城西北者免唐東北流逕府城西折東逕西林縣東北折東南逕鎮安府城北泗城府城南田州南上林縣東北歸德

縣西南隆安縣東武緣縣西曰右江又逕永康州東新甯縣東北南甯府城南永淳縣東至橫州南今則以此為鬱江之上原矣

過郡二行五百六十里

過牂柯鬱林二郡

警

應今西陽州地孟康音警為驚松按洪氏警水考云漢之警水今之湘江也

江水出遵義府治遵義縣北境桐梓縣南境之龍巖山流逕湘山南與桃溪水合迂回五百餘里入烏江龍巖山即不狼山也又按延江水考警在今遵義縣界

不狼山警水所出東入延

水經注警水東與温水合與此云入沅者異無所攷松按

洪氏亮吉改作延謂即延江水今之烏江也

過郡二行七百三十里

洪氏亮吉日過郡二者蓋牂柯犍為松按洪氏警水考云道元云警水於符縣而東注延江水符縣今仁懷廳及仁懷縣以北地漢警縣屬牂柯符縣屬犍為故知過郡為此二郡也圖經云迂回五百餘里又南入烏江與班志七百三十里之數亦合

漏臥

今雲南府富民縣西十里有魯臥山疑其地應邵曰故

漏臥侯國

平夷

在今安順府城南一百二十里

同並

應今澂江府地水經注葉榆水自滇池縣南東逕同並
縣南應邵曰故同並侯邑並音伴錢氏大昕曰並伴聲相近

談拒

蘇林曰亦西南夷別種名州郡志作談柏華陽國志作

談指松按今漢志作談指未知錢氏所據何本

宛温

今曲靖府霑益羅平二州地

毋斂

應今柳州府懷遠縣地

松按水經注剛水西出毋斂縣東至潭中入潭考潭水為今福

祿江剛水為今濛江濛江出定番州城西北三十里山中則毋斂當在定番州境至水經注又言牂柯水東南經毋斂縣西毋斂水出焉蓋濛江亦曰牂柯江此所謂牂柯水仍指濛江言非謂豚水是漢毋斂在今定番州

城東南矣錢氏謂在柳州府者非

剛水東至潭中入潭

水經注剛水即毋斂水疑今吼江也水出生苗界東南

流逕懷遠縣北入融江按按入潭宋本作入潭

莽曰有斂

夜郎

今曲靖府地西南夷傳西南夷君長以百數獨夜郎滇

受王印

豚水東至廣鬱

水經温水出夜郎縣東至廣鬱為鬱水即此豚也今上

原曰八達江出霑益州西北花山南流逕州城東曲靖

府城東水經所謂出夜郎也折西逕陸涼州南注所謂
自夜郎東北流逕談藁也又西折南逕宜良縣東注所
謂逕昆澤縣也又逕澂江府城東注所謂逕味縣也又
逕甯州東注所謂得俞元橋水逕毋單毋椽縣也又逕
阿迷州東北折東逕廣西州南注所謂逕律高縣也又
逕廣南府城北曰紅水河東逕西林縣北泗城府城北
折南逕那地州西曰烏泥江又東南折東逕慶遠府城
南忻城縣西南遷江縣北來賓縣南又東合柳江屈曲
逕武宣縣西潯州府西曰潯江温水自貴縣南來會之
世所謂鬱江者也下流曰潯江今所謂潯江鬱水也今
所謂鬱江温水也今所謂柳江潭水也今所謂烏泥江

豚水也松按洪氏亮吉作豚水考云豚水即今之都江

廣可容大舟又百餘里過都江通判城西漢武帝元鼎
五年伐南越發夜郎兵下牂柯江其下江之處當在三
角屯左近其一水發自霑益來會者為南盤江即古之
温水說與錢氏全別明世所指為豚水者蓋北盤江也
洪氏言北盤江自廣西泗城界以上不通舟楫武帝發
夜郎兵下江必非此水松按水經注作東北流錢氏見
南盤江無東北流者改作
西北以文其私其妄甚矣

都尉治莽曰同亭

毋單

應今澂江府甯州地

漏江

應今澂江府地水經注葉榆水東逕同並縣又逕漏江
縣

西隨

應今元江州東地州郡志作西隋

麋水西受徼外東至麋伶入尚龍谿

水經葉榆水入西隨縣為西隨水依志葉榆貪水已從

邪龍入僕矣然則水經之葉榆水即此麋水也似即今

之河底江其原出大理府南境東原出雲南縣西北梁

王山西原出趙州南二原合而東南流逕蒙化同知城

東北楚雄府城西南新平縣西南元江州東石屏州西

南下流入安南國界

松按齊氏召南曰當作麓冷

過郡二行千一百六里

過牂柯交趾二郡

都夢

應今開化府地

壺水東南至麋伶入尚龍谿

似即今烏期河也原出開化府西南東南流逕府城東

北下流入安南國界

過郡二行千一百六十里

過牂柯交趾二郡

談藁

應今曲靖府陸涼州地

松按水經注豚水東北流逕談藁縣東逕牂柯郡且蘭縣謂之

牂柯水據洪氏說以今都江為豚水則談藁縣治當在今獨山州治之東蓋都江自三角屯以上皆東北流與

水經注合

進桑

應今元江州東南地水經注馬援言從蒼冷道出進桑
王國至益州賁古縣轉輸通利郡國志云進乘
南部都尉治有關

句町

今臨安府地故城在通海縣北守禦所城是應邵曰故
句町國昭帝紀作鉤町服虔讀句為射兩軸之軸應邵
讀町為挺
支象水東至增食入鬱又有盧唯水來細水伐水
水經注四水並注鬱水今府城東境有馬別河清水河
東入八達州

莽曰從化

新輯注地里志卷第十一終

新輯注地里志卷第十二

嘉定錢坫著

大興徐松集釋

巴郡秦置

春秋時巴國以爲郡氏

王氏念孫曰左傳巴子使韓服告于楚正義曰地理志巴郡故

巴國據此則巴郡秦置下當有故巴國三字

屬益州戶十五萬八千六百四十三口七十萬八千一百四十八縣十一

江州

在今重慶府城西通典後漢書注並云故城在巴縣西太平寰宇記在西北元和郡縣志渝州理城卽漢巴郡城也巴國都在此揚雄賦云分川並注合乎江州

閩氏若璩

曰巴郡治江州縣以揚雄傳
注知之又曰秦時即治江州

臨江

在今忠州東一百里華陽國志縣在枳縣東四百里東
接胸忍縣慶韻忠州本漢臨江縣

莽曰監江

枳

在今重慶府城西北一百十五里蘇代曰楚得枳而國
亡者謂此也如涪音徒或音抵

閬中

今保寧府城後漢書注今隆州縣太平寰宇記今閬中
縣華陽國志閬水迂曲徑其三面縣處其中故名按閬

水即西漢水也環城三面東與東河合

彭道將池在南

今府城有南池舊阯唐時廢

彭道魚池在西南

今蒼溪縣大獲山有天池疑即此也巴志有彭池大澤
名山靈臺出孔子內讖

墊江

今重慶府合州括地志合州石鏡縣南五里故墊江城

也

松按應邵
音徒浹反

孟康音重疊之疊說文解字作墊段氏玉
裁曰墊

江縣為嘉陵江渠江涪江會合之地水如衣之重複故
曰墊江淺人譌作昏墊之墊觀應孟之音則知漢書字
固從衣也又曰今忠州之墊江縣則漢
巴郡臨江縣地與漢墊江相距甚遠

胸忍

在今夔州府雲陽縣西六十里後漢書注故城在雲安縣西萬戶故城是也太平寰宇記在雲安縣萬戶城西三十一里常璩曰縣在巴東郡西二百九十里十三州志作胸腮云胸音春腮音閏晉書音義引如淳音蠢後漢西岳華山亭碑郃陽令曹全碑並作胸忍後漢書注胸音劬

容母水所出南入江

今日東瀼河也原出九龍山南麓南流逕五溪關東雲陽縣東北入江

有橘官鹽官民市

本脫民市二字依水經注加

安漢

在今順慶府城北三十五里

是魚池在南莽曰安新

宕渠

在今順慶府城北四十里地名石苟壩後漢書注故城在流江縣東北俗名車騎城按車與苟騎與壩聲同一地也常璩曰故賓國

符特山在西南

今日宕渠山在順慶府渠縣東五十里

潛水西南入江

渠江也原出西鄉縣大巴山西流折南逕通江縣東南巴州東渠縣東廣安州東南隣水縣西至合州東北合西漢水入于江說文解字作灕應邵音潛文穎音岑王氏念孫曰潛水本作灕水即下文入灕之灕水經作潛者借字耳後人遂據以改此志說文灕水出巴郡岩渠西南入江

不曹水出東北南入灕徐谷

文義不順當有舛誤未敢改之即今巴江也有三原最北曰後江原出太平縣北大橫山西南流逕縣城北又西南得中江中江原出縣東白支山西南流逕東鄉縣東而得前江前江原出太平縣東金城山西南流至東鄉縣東而合中江三江彙合曰巴江逕達州東南又西

南入渠江王氏念孫曰徐谷二字未知何字之訛

魚復

在今夔州府城東北七里通典故城在奉節縣北後漢書注在魚復縣北赤甲城是太平寰宇記在奉節縣北三十里春秋傳魚人逐楚師此縣也

江關都尉治有橘官

後漢書注江關舊在赤甲城後徙在江南岸對白帝城故基在今魚復縣南

充國

在今順慶府城南三十五里劉達曰巴西充國

涪陵

今重慶府涪州巴漢志涪巴郡之南鄙

莽曰巴亭

武都郡武帝元鼎六年置

史記西南夷傳自冉駹以東北君長以什數白馬最大

魚豢魏畧漢置武都郡排其種人分竄山谷或稱青氏

或稱白氏錢氏大昕曰武都隴西金城天水武威張掖酒泉敦煌安定等九郡當屬涼州史失書松

按錢獻之以武都屬益州

莽曰樂平戶五萬一千三百七十六口二十三萬五千五

百六十縣九

武都

在今階州成縣西

閻氏若璩曰武都郡治武都縣段氏玉裁曰今成縣西北百里有仇池城

城東南有漢武都縣故城

東漢水受氏道水一名沔過江夏謂之夏水入江

禹貢嶓冢道漾東流為漢本志云氏道禹貢漾水所出

東至武都為漢是東漢水于氏道曰漾水于武都曰漢

水也說文解字云漾水出隴西氏道東至武都為漢漢

漾也是漾漢一原志不言水所出山遂迷漾水之原而

後人復以為東漢水出今甯羌州者非矣水經注引庾

仲雍云獻水南至關城合西漢水是當有一水從徽縣

南下至陽平關與東西二漢相通今則山坡零雜無從

究辨求所謂獻水渺不知所在矣今漢水從甯羌州北

東南流折東涇沔縣南褒城縣南又東南逕漢中府城

西南又東逕城固縣南洋縣西西鄉縣北又東南逕石
 泉縣南折南逕紫陽縣西南折東逕興安府城北洵陽
 縣南白河縣北折北又東逕鄖西縣南鄖陽府城南均
 州東北又東南逕光化縣西南又南逕穀城縣西折東
 逕襄陽府城北折南逕宣城縣東安陸府城西荆門州
 東又東逕潛江縣北天門縣南沔陽州北漢川縣南至
 漢陽府城東北武昌府城西入江云過江夏謂之夏水
 者漢水東合夏水漢水亦得夏水之稱故庾仲雍云沔
 口亦曰夏口也閻氏若璩曰東漢水受氏道水七字最
 為亂道漢武都縣傷仇池山遠在東漢
發源三四百里之上豈有及下受漾水之理王氏念孫
 曰東漢水東字後人所加下文隴西郡氏道下云養水
 東至武都為漢不言東漢也志言西漢水者別于漢水
 而言之若漢水則本無東漢之稱沈氏堯曰東西二漢

水俱出隴西郡西縣之嶓冢山西漢水南入廣漢白水
 東南至江州入江東漢水在氏道則為養水至武都則
 為漢水蓋嶓冢山包絡數縣班氏箸嶓冢於西縣而氏
 道則不言以既言禹貢養水則知是禹貢之嶓冢焉養
 不必再言嶓冢也西縣在氏道在東二縣相聯嶓冢
 縣互二縣之南山之西南西漢水所出山之東南東漢
 水所出細檢班志源流極分明東漢水至武都又受沮
 縣之沮水猶西漢水至廣漢葭萌又受甸氏道之白水
 也後世自氏道至武都養水故瀆不可見於是專以沮
 縣之沮水為東漢之源而西縣之嶓冢遂屬之西漢所
 出又別名一山曰嶓冢而真嶓冢之在西與氏道者轉
 付之芒昧矣不知沮水特東漢之別源其正源之漾水
 實在隴西而經武都耳水經撰于曹魏時始誤以氏道
 之漾水為西漢之源然則漾水輟流蓋在東漢後矣按
 金輔之先生有漢水所出考段注說文引之又按說文
 作漾水出隴西獬道雖與班志不合而錢氏徑行改字
 也非也

天池大澤在縣西
 卽仇池在今成縣西一百里仇池山下武都故城近此

莽曰循虜

上祿

在今成縣西一百里太平寰宇記今栗亭縣是

故道

今秦州兩當縣括地志兩當縣漢故道縣也在鳳州西

五十里太平寰宇記今兩當縣是

莽曰善治

河池

在今秦州徽縣西十五里後漢書注今鳳州縣也

泉街水南至沮入漢

入東漢之水也疑卽河池水水經注河池水入濁水濁

水入西漢蓋山阪斷瀆澗流津通水經注本言二漢有

交會之處或卽是水亦未可知蓋方志相沿已無定證

迷惑失所並難據考焉

行五百二十里莽曰樂平亭

平樂道

在今階州東北

沮

在今漢中府畧陽縣東南一百二十里後漢書注今順

政縣

松按郿閭頌云沮縣士民或給州府休謁往還恒失日晷謂此縣之人至武都郡也

沮水出東狼谷南至沙羨入江

東漢水之別原也東狼谷在畧陽縣東北沮水逕縣東

合漢云南至沙羨入江者即漢水耳郡國志云沔水出東狼谷不言沮水是沮漢亦互稱之證矣闕駟曰以其

初出沮洳然故曰沮水縣亦受名焉松按班志說文水經注所稱漢水皆

西漢也於禹貢之漢則但謂之沔水沮水不名爲漢又按沮縣南與葭萌接壤東狼谷即禹貢嶓冢山爲東漢水所自出班志不載嶓冢於此二縣反載于隴西郡西縣下非是閻氏若璩言當以武都縣下一名沔過江夏謂之夏水十字補入此處東狼谷之下然後東漢水原委方備又按此條是初讀尚書古文疏證時所附書既讀金輔之先生考知此志所載嶓冢正自分明前讀之不審耳

過郡五行四千里荊州川

過武都漢中南陽南郡江夏也

嘉陵道

在今成縣西北水經注西漢水南入嘉陵道爲嘉陵水

脩成道

在今階州東北本作循成道者非也松按循脩雙聲通用非訛字王氏念

孫曰魏書地形志隋書地理志水經漾水注並作脩城

下辨道

在今成縣西三十里括地志同谷縣本漢下辨道後漢

書注同谷縣舊名武街城水經注武街城即下辨治也

莽曰揚德

隴西郡秦置

昭王二十六年置應邵曰有隴坻在其東也漢以隴西

天水安定北地上郡西河爲六郡所謂六郡良家子給

羽林期門是也

莽曰厭戎戶五萬三千九百六十四口二十三萬六千八百二十四有鐵官鹽官縣十一

狄道

今蘭州府狄道州後漢書注今蘭州縣也太平寰宇記

狄道縣也

白石山在東

山在今在蘭州府城東南八十里

莽曰操虜

上邽

在今秦州東南四十里後漢書注今秦州縣也太平寰

宇記今為清水縣理所史記秦本紀秦武公伐邽戎縣

之秦州記縣北有邽山

閻氏若璩曰水經注云漢武帝元鼎二年改為天水郡似指隴

西郡言治上邽縣是上邽為隴西郡治松按閻氏若璩又言隴西治狄道俟考

安故

在今蘭州府城西南八十里太平寰宇記故城在五泉

縣西南

氏道

在今秦州清水縣西南縣在上邽之東南下辨之東北

禹貢養水所出東至武都為漢

養即瀆字說文解字漾古文作瀆是也此從省而通于

養耳氏道在上邽下辨南北則養水亦出嶓冢山其明

證矣隴坻山阪零雜溪澗糾互衆流莫析以今證古則

水從蟠冢東南流逕故河池而合泉街水蓋今黑谷水之原似卽養水之原濁水之流似卽漾水之流但自酈氏以後俱衍黑谷水入濁濁水入西漢爲說而莫曉山坂紊糾二水互通之緣遂令迷于所始是談地理之一謬也余以乾隆五十四年四月奉上司檄委窮究涇渭二水道徑秦隴之間孰悉其處故知禹貢暨本志之文皆無所誤證以山海經蟠冢之山漢水出焉東流注于沔水經蟠冢山在氐道南二說更信言之非舛但後世多以志義爲非而又別蟠冢有兩山移禹貢之蟠冢于今甯羌州地穿鑿附會斯更巨戾今不得不辨

松按今志至上無東字錢校補王氏念孫曰禹貢蟠冢導漾東流爲漢卽班志所本說文水經皆言東至武都又按閻氏若璩

親至秦州蟠冢山下始知甯羌爲眞禹貢之蟠冢今錢氏亦道經秦隴而云甯羌之爲巨戾目驗尙然當何所取信哉

莽曰亭道

首陽

在今蘭州府渭原縣東北太平寰宇記渭原縣也

禹貢鳥鼠同穴山在西南

山在今渭原縣西二十里後漢書注在渭州西括地志

元和郡縣志並云在渭原縣西七十六里

渭水所出東至船司空入河

水今出渭原縣西東南流逕鞏昌府城北折南又東逕甯遠縣北伏羌縣北秦州北秦安縣南清水縣南隴州

南寶雞縣北郿縣北盩厔縣北興平縣南咸陽縣南西
安府城北臨潼縣北渭南縣北華州北華陰縣北入于
河

過郡四行千八百七十里雍州寢

過隴西天水右扶風左馮翊也松按胡氏渭謂過郡四

又引易氏曰渭水自渭源至入河通計一千四百三十

一里段氏玉裁曰過郡四天水扶風京兆馮翊松按諸

子道

莽曰德道

大夏

在今蘭州府河州東南通典太平寰宇記並二河州縣

也

莽曰順夏

羌道

在今鞏昌府洮州同知城西

羌水出塞外南至陰平入白水

今日白龍江也原出今岷州東南分水領南流逕州城

東逕臨江關西又東南逕朝陽山西西固城東南而入

墊江合流至昭化縣北入西漢水白水段國以為墊江

水然西漢亦有墊江之目故水經云羌水出羌中東南

至白水與漢水合南至墊江縣入于江是也

過郡三行六百里

過隴西廣漢巴三郡

襄武

在今鞏昌府城東南五里後漢書注今渭州縣

莽曰相桓

臨洮

今鞏昌府岷州後漢書注故城在今岷州括地志卽今

岷州城元和郡縣志州城卽臨洮城也段氏玉裁曰今

二百二十里有
臨洮城漢縣也

洮水出塞外羌中北至枹罕東入河

舊本作洮水出西羌中依水經注改今水原出岷州城

南北流逕洮州衛東狄道州西又西北逕金縣西蘭州

府城西入河

松按原作東入西
錢氏以水經注改

禹貢西頃山在西

山在今岷州西北洮州衛北括地志一名強臺山松按

注引沙州記曰洮水與墊江水俱出強臺山山南卽墊

江源山東卽洮水
江卽入西漢
水之白水

南部都尉治也

西

在今秦州西南一百二十里後漢書注故城在上邽縣

西南括地志西南六十里

禹貢嶓冢山在西

山在今秦州西南六十里

閻氏若璩曰此別一嶓冢
班志載入禹貢二字誤

西漢水所出南入廣漢白水東南至江州入江

白水墊江也墊江至昭化縣北合西漢水今水出蟠冢

山西南流逕西和縣北禮縣南折南折東逕階州北成

縣南又東折南入嘉陵道曰嘉陵江又南逕畧陽縣西

陽平關西朝天關西廣元縣西合墊江所謂南入廣漢

白水也又南逕蒼溪縣西折東逕保甯府城西而南折

南又東逕南部縣北又東南逕蓬州東折西南逕順慶

府東南曲曲流又南逕定遠縣東合州東至重慶府城

北入于江松按西漢下水字錢校補王校同

過郡四行二千七百六十里

過隴西武都廣漢巴四郡

有鹽官

本脫此三字依水經注加今鹽官城在西和縣東三十

里松按王校同

莽曰西治

金城郡昭帝始元六年置

昭帝紀以邊塞濶遠取天水隴西張掖各二縣置金城

郡錢氏大昕曰據昭帝紀言取天水隴西張掖各二縣

是金城始置止有六縣此十三縣之中惟破羌允街

兩縣宣帝所置其餘俱不書置自何時可見志之闕漏

者多也松按何氏義門曰平帝元始四年冬置西海郡

乃王莽遣中郎將平憲等持金幣誘羌豪良願獻地為

之非改金城舊名註疑有訛字特附見西海之名於此

耳郡下

莽曰西海戶三萬八千四百七十口十四萬九百四十八

縣十三

允吾

在今蘭州府城西南五十里通典後漢書注並云故城

在廣武縣西南應邵音鉛牙閻氏若璩曰金城郡治允

耳也或作琬琿又名琿琿
廣韻琬充耳玉吾讀若牙

烏亭逆水出參街谷東至枝陽入湟

水在今蘭州府城西二百六十里東南流逕街亭城八

湟亦曰龍泉水

莽曰修遠

梁鴻父讓王莽時封修遠伯即此地段氏玉裁曰水經

爵二年置王莽之修遠亭也趙一清曰莽改允吾為修
遠則此宜有亭字以別於郡治今本有脫文松按此下

允街注
誤在此

浩亶

在今西甯府碾伯縣東北通典後漢書注並云故城在

廣武縣西南元和郡縣志西南一百三十里孟康音合

門闕駟音閤門段氏玉裁曰水經河水注引闕
駟曰浩閤也故亦曰閤門水

浩亶水出西塞外東至允吾入湟水

今日大通河原出青海西北阿木你厄枯山東南流入

邊逕西甯府城北碾伯縣北又東南入湟

莽曰興武

令居

在今涼州府平番縣西北武帝元鼎二年置孟康讀令

爲連

澗水出西北塞外至縣西南入鄭伯津

水經注湟水逕允吾縣北爲鄭伯津與澗水合水在今

蘭州府城西一百九十里

莽曰罕虜

枝陽

在今平番縣南

金城

今蘭州府城後漢書注今蘭州縣也

松按漢書項籍傳

服虔曰金城縣所治也蘇林曰在上郡師古曰卽今之

榆林古者上郡界蘇說是也則金城榆中二縣秦時屬

上郡

矣

莽曰金屏

榆中

在今蘭州府金縣東北通典故城在五泉縣東後漢書

注在金城縣東水經注在金城東五十里

枹罕

今蘭州府河州通典故後漢書注並云河州縣也關駟曰

在郡西二百十里故枹罕侯邑應邵音枹爲鉄鄧展音

罕爲漢

白石

在今河州西南關駟曰縣在狄道西北二百八十五里

離水出西塞外東至枹罕入河

闕駟曰水出縣北今日大夏河亦曰白石河原出邊外

打城達巴罕山之南東北流逕大夏堡北河州南又東

北入河段氏玉裁曰離水經注作離

莽曰順礫

河關

在今河州西北宣帝神爵二年置段氏玉裁曰河關下奪宣帝神爵二年置

七字王校同

積石山在西南羌中

山在今河州西北七十里禹貢之積石也括地志今日

小積石山在枹罕縣西七十里松按自章懷誤認龍支之積石為禹貢積石遂

為後儒口實龍支之積石即枹罕之積石錢氏豈不聞章懷之誤乎且羌中云者明其不在縣界也若去縣止

七十里則明在縣界矣所引括地志大誤

河水行塞外東北入塞內至章武入海

河今出星宿海西巴顏喀刺山東麓曰阿爾擔河南流

折東又東北至鄂敦他拉元史謂之火敦腦兒曰星宿

海也巴顏喀刺山亦曰昆侖山河自星宿海又東南注

者零海番人謂白為者謂長為零所謂河出昆侖虛色

白也又東南曰鄂零海番人謂青為鄂元史所謂阿刺

腦兒也又東北出抵巴顏圖渾又東南抵大雪山亦曰

大積石山亦曰昆侖山元史所謂亦耳麻不莫刺也亦

曰悶摩黎山又東北抵烏蘭馬乃山折西北遶大雪山

東北折東北逕古城北抵蘇鹵枯山折小積石山河至

此始入塞禹致功自此始河水東北逕積石山南又東逕河州北蘭州府城北折北逕靖遠縣西又東北逕中衛縣南折北又東北逕靈州北甯夏府城東南中羅縣東又東北出塞入鄂爾都斯界又東北抵阿布山色爾亡喀刺山又東逕噶札爾賀邵山南大漢得兒山西南折東南逕默爾楚克賀邵山北抵几爾哈卽圖又東南折南入塞逕平鹵衛西河曲縣西府谷縣東保德州西興縣西葭州東臨縣西吳堡縣東永甯州西清澗縣東甯鄉縣西石樓縣西延長縣東永和縣西大甯縣西宜川縣東吉州西韓城縣東河津縣西萬泉縣西邵陽縣東榮河縣西朝邑縣東蒲州府城西折東逕潼關同知

城北芮城縣南閿鄉縣北靈寶縣西北陝州北平陸縣南澠池縣北垣曲縣南新安縣北河南府城北孟津縣北孟縣南鞏縣西北汜水縣南禹貢所謂至于大邳者也自此以下河漸南徙非禹迹矣大邳在今汜水縣西河自此而東北逕原武陽武延津濬縣內黃湯陰安陽臨漳魏縣成安肥鄉曲周平鄉廣宗鉅鹿南宮新河冀州東鹿深州衡水武邑武強阜成獻縣交河青縣靜海大城寶坻至天津直沽入海此所云至章武入海者也今則由汜水縣東流逕武陟縣南原武縣南鄭州北中牟縣北延津縣南開封府城北封邱縣南陳留縣北又東南逕蘭陽縣北儀封縣北考城縣北又東逕曹縣南

單縣南碭山縣北豐縣南沛縣南蕭縣北又東南逕徐州府城北邳州南睢甯縣北宿遷縣西南桃原縣北清河縣南淮安府城西北阜甯縣北安東縣南至雲梯關入于海松按大積石山今番名阿彌耶瑪勒津木遜山又按錢氏謂禹施功始小積石山誤

過郡十六行九千四百里
過金城天水武威安定北地朔方五原雲中定襄雁門西河上郡河東朔馮河南河內東郡平原千乘十九郡

破羌

今碭伯縣通典後漢書注太平寰宇記並云故城在湟水縣西本有宣帝神爵二年置七字依水經注則應邵說也今刪之王氏念孫曰上文之河關下文之允街並云宣帝神爵二年置則此亦班志原文非

應邵注也水經注所引乃應邵地理風俗記耳段氏玉裁曰宣帝上奪應邵曰三字觀酈所引可見

安夷

在今西甯府城東有安夷川水入湟水

允街

在今平番縣南後漢書注故城在昌松縣東南城臨麗水一名麗水城本有宣帝神爵二年置七字亦當是應

邵說並刪之松按王校不刪

莽曰修遠亭

松按亭字錢校補王校同

臨羌

在今西甯府城西二百八十里

西北至塞外有西王母石室石釜

爾雅四荒有西王母國名也竹書紀年穆王十七年西征于昆侖邱見西王母即此地矣本無石釜二字依水經注加

僊海

今青海也在西甯府城西四百里水經注作西海古字僊西聲同通用

鹽池北則湟水所出東至允吾入河

水今出西甯府徽外青海之東噶爾藏領三原並發合而南流曰洛都河折東南入闡門抵西甯府境曰西甯河逕府城北碾伯縣南下流合大通河入河

西有須抵池有弱水昆侖山祠

十六國春秋前涼張駿酒泉守馬岌上言酒泉南山即昆侖之邱也有石室王母堂珠璣樓巖飾煥若神宮今山在肅州西南三百里

莽曰監羌

松按監舊作鹽錢校改王校同

天水郡武帝元鼎三年置

秦州地記郡前湖水冬夏無增減因以名焉錢氏大昕曰蓋析隴西置李廣隴西成紀人志屬天水是其證也

莽曰填戎

後漢書馬援傳作鎮戎

明帝改曰漢陽

語似應邵注文舊本皆有未便刪之

戶六萬三百七十口二十六萬一千三百四十八縣十六
平襄

在今鞏昌府伏羌縣西北渭水濱通典故城在伏羌縣
南後漢書注在伏羌縣西北太平寰宇記在大潭縣南
一百三十里按寰宇記之說似與通典同今大潭廢縣
在西和縣東南也但以爲天水郡治則當在伏羌爲是
閻氏若璩曰天水治平襄以五行志知之
水經注言故天水郡治冀指東漢時也

莽曰平相

街泉

在今秦州清水縣東北太平寰宇記故城在隴城縣東
北六十里

戎邑道

在今清水縣東一百二十里

莽曰填戎亭

望垣

在今秦州西北郡國志垣作恒

莽曰望亭

罕开

今蘭州府金縣地蘇林曰在金城南應邵音羌肩反
縣諸道

在今秦州東四十五里邽山下括地志故城在秦領縣北五十六里史記匈奴傳自隴以西有緜諸之戎是也

阿陽

在今平涼府靖甯州南後漢書注太平寰宇記並云故城在隴城縣西北

略陽道

在今清水縣東北九十里通典後漢書注太平寰宇記並云故城在隴城縣西北

冀

今伏羌縣後漢書今伏羌縣也史記秦本紀秦武公伐冀戎縣之說文解字作驥

禹貢朱圉山在縣南梧中聚

山在今伏羌縣西南古字圍與梧通聚以山名耳五行

志云冀南山閻氏若璩曰余會親經朱圍山在今鞏昌府伏羌縣西南三十里山色帶紅石勒四

大字曰禹

奠朱圍

莽曰冀治

勇士

在今金縣東北

屬國都尉治滿福

霍去病傳分處匈奴降者于邊五郡故塞外而皆在西

南因其故俗為屬國段氏玉裁曰水經注諸刻作蒲福疑本是蒲福故莽改之趙氏一清

曰滿福與勇士疑各是一城

段曰按上文當云縣十七矣

莽曰紀德

成紀

在今秦州西里許後漢書注故城在隴城縣西北

清水

今清水縣後漢書注今清水縣水在城西入渭

莽曰識睦

奉捷

隴

在今清水縣北

獬道

在今鞏昌府城東十五里括地志故城在襄武縣東南

三十七里秦孝王西斬戎之獬王卽此徐廣音丸應邵

音桓

騎都尉治密艾亭

亭在今府城東北

蘭干

莽曰蘭盾

武威郡故匈奴休屠王地武帝太初四年開

武帝紀元狩二年匈奴昆邪王殺休屠王并將其衆合

四萬餘人來降置五屬國以處之以其地爲武威酒泉

郡錢氏大昕曰開武威郡志與紀異當從紀

莽曰張掖戶萬七千五百八十一口七萬六千四百一十

九縣十

姑臧

今涼州府城後漢書注今涼州縣也西河舊事涼州城
匈奴故蓋臧城音訛為姑臧

南山

山今在涼州府城西南一百二十里

谷水所出北至武威入海

海即休屠澤也水經注都野澤水上承姑臧武始澤澤
水二原東南流為一水蓋即此水矣今日鎮番衛河原
出府城南山兩原合東北流逕張儀堡南循長城而北
逕府城東折東北逕鎮番縣東南出長城屈曲流三百

餘里入澤

行七百九十里

張掖

在今涼州府城南

武威

在今涼州府鎮番縣北太平寰宇記故城在番和縣西
北三百里閩氏若璩曰水經注云漢武帝太初四年以
休屠王地置武威縣為武威郡是郡治於此
縣

休屠澤在東北古文以為豬埜澤

水經都野澤在武威縣東北在今鎮番縣東北三百餘
里即鎮番衛河所溢之澤也括地志澤在姑臧縣東北

二百八十里 松按夏本紀及鄭氏書注皆作都野用古
文尚書也則此作猪埜者淺人以今本改

之
耳
休屠

在今涼州府城北元和郡縣志故城在姑臧縣北六十
里史記大宛傳李廣利伐宛置居延休屠以衛酒泉

莽曰晏然都尉治熊水漳北部都尉治休屠城

搆次

在今涼州府古浪縣北孟康音搆子如反次音咨

莽曰播德

鸞鳥

在今涼州府城南後漢書注故城在蒼松縣北

撲剝

今古浪縣地孟康音蒲環

莽曰敷虜

媼圍

在今蘭州府城東北有媼圍水入黃河說文解字作媼

蘭 段氏玉裁曰媼圍
晉後見史作温圍

蒼枹

枹卽松字在今古浪縣西北元和郡縣志故城在今縣
東北十里

南山枹陝水所出北至搆次入海

今日安遠堡河也原出鎮羌營北其南爲莊浪河南流

入黃河者也其水循長城北流逕古浪縣東出長城東北流約二百里匯為一池池即志所云之海也凡西北大池澤通謂之海

莽曰射楚

宣威

在今鎮番縣南

張掖郡

漢官儀云張國臂掖故曰張掖錢氏大昕曰武帝紀言分武威酒泉置張掖敦煌煌敦煌為酒泉所分則張掖必武威所分矣四郡之地雖皆武帝所開然先有武威酒泉而後有張掖敦煌以內外之詞言之武威酒泉當云元狩二年開張掖敦煌當云元鼎六年分某郡置不必云開也昆邪來降在元狩間而志以為太初張掖乃武威所分而志以張掖屬元年武威屬四年皆誤松按楚相孫叔敖碑云即歲遷

長掖太守長即張之假借字

故匈奴昆邪王地武帝太初元年開

武帝紀元鼎六年分武威酒泉置張掖敦煌郡

莽曰設屏戶二萬四千三百五十二口八萬八千七百三

十一縣十

鯨得

今甘州府城太平寰宇記故城在張掖縣西北四十里

孟康音鯨為鹿

閻氏若璩曰張掖郡治鯨得見舊唐書地理志

千金渠西至樂涇入澤中

應邵以為鯨得渠今永昌衛河也原出永昌縣西南山

東北流逕永昌城北出長城入居延澤

羌谷水出羌中東北至居延入海

今日張掖河也出府城西南山東北流循祁連山麓又北逕府城西入山丹河挾河入居延海云至居延入海者志義以今山丹河為即羌谷水不與桑欽云弱水同也

過郡二行二千一百里

過張掖酒泉二郡

莽曰官式

昭武

在今甘州府城西北後漢書注故城在張掖縣西北

莽曰渠武

刪丹

今甘州府山丹縣太平寰宇記甘州縣也

桑欽以為弱水自此西至酒泉合黎

說文解字作溺云水自張掖刪丹西至酒泉合黎餘波入于流沙桑欽所說又云岷山溺水所出淮南子溺水出于窮谷入于流沙今日山丹河也原出山丹縣西南窮石山亦曰岷山北流逕南古城東永固城西折西北逕甘州府城東北與張掖河合自下亦曰羌谷水也又西北逕高臺縣東北折北逕金塔寺營東所謂西至酒泉合黎也折東北流一千五百餘里入流沙滙為二巨澤西北為索郭克鄂模東北為索博鄂謨即居延澤也

合黎山在今甘州府城西北二百里鄭康成引地說在會水縣東北水經作合離

莽曰貫虜

氏池

在今山丹縣西南

莽曰否武

屋蘭

在今山丹縣西北

莽曰傳武

曰勒

在今山丹縣東南通典後漢書注太平寰宇記並云故

城在山丹縣東南

都尉治澤索谷莽曰勒治

驪軒

在今涼州府永昌縣南李奇音遲劇如涪音弓軒說文

解字作麗軒張騫傳作犛軒西域傳作犁軒本以驪軒

降人置縣字聲皆同通用也松按說文以縣麗軒屬武威或本其未分時言之

莽曰揭虜

番和

今永昌縣太平寰宇記涼州縣也如涪讀番為盤

農都尉治莽曰羅虜

居延

在今甘州府城東北一千五百里卽元亦集乃路城也
通典後漢書注太平寰宇記並云故城在張掖縣東北
括地志東北千五百三十里

居延澤在東北古文以為流沙都尉治

澤在故居延城東北元和郡縣志居延海在張掖縣東
北一千六百里

莽曰居成

顯美

在今永昌縣東唐書地理志舊有顯美縣後周廢入姑

臧

酒泉郡武帝太初元年開

史記匈奴傳漢西置酒泉郡以隔絕胡與羌通之路漢
官儀酒泉城下有金泉味若酒三秦記郡中有井味如

酒錢氏大昕曰紀
在元狩二年

莽曰輔平戶萬八千一百三十八口七萬六千七百二十
六縣九

祿福

今肅州太平寰宇記今酒泉縣也閻氏若璩曰酒泉郡
治祿福見舊唐書地

志

呼蠶水出南羌中東北至會水入羌谷

今日討來河原出肅州西南邊外青海西北山東北流
數百里經討來堡曰討來河又東北逕州城南折北逕

金塔寺營西環營城北入山丹河

莽曰顯德

表是

在今肅州高臺縣西通典後漢書注並云故城在張掖縣西北郡國志作表氏

莽曰載武

樂涓

在今高臺縣西南

莽曰樂亭

天陔

說文解字酒泉有天陔阪縣以阪氏也

玉門

在今肅州西二百里元和郡縣志玉門縣漢舊縣也東

至州二百二十里漢罷玉門關屯戍徙其人于此

莽曰輔平亭

會水

在今高臺縣西北闕駟曰衆羌水之所會故曰會水

北部都尉治偃泉障東部都尉治東部障莽曰蕭武

池頭

在今肅州西郡國志曰沙頭

緩彌

在今肅州東郡國志曰安彌

乾齊

在今肅州西孟康音干齊

西部都尉治西部障莽曰側虜

敦煌郡武帝後元年分酒泉置

應邵讀敦為屯說文解字作焯

錢氏大昕曰紀在元鼎六年齊氏召南曰按孝武紀於太初元年書蝗從東方飛至敦煌則置郡不在後元年明矣段氏玉裁曰地理風俗記曰敦大也煌盛也左氏音義敦徒門反集韻敦煌郡名敦徒渾切此皆本應邵集韻又云燉煌郡名燉他昆切此亦必出漢書音義當是本作敦淺人改燉

正西關外有白龍堆沙

元和郡縣志云前涼張駿于敦煌置沙州因鳴沙山為

名似即此今山在安西州敦煌縣南七里

有蒲昌海

水經注以為泐澤又曰鹽澤東去玉門關千三百里廣

輪四百里說文解字泐澤在昆侖東今名羅布淖爾在

今鎮西府闡展巡檢司西南

莽曰敦德戶萬一千二百口三萬八千三百三十五縣六

敦煌

今敦煌縣乾隆二十五年改沙州衛為縣

中部都尉治步廣候官杜林以為古瓜州地出美瓜

春秋傳允姓之戎居于瓜州者此也今鎮西府哈密通

判地出瓜曰哈密瓜

莽曰敦德亭

本無亭字以意加

冥安

在今安西州西南

南籍端水出南羌中西北入冥澤溉民田

今日布勒雞隆河原出安西州東南西北流逕州城北

又西北積為巨澤曰哈勒池即冥澤也

王氏念孫曰太平御覽引作籍

端水無南字是南字衍松按冥澤今志作其澤錢校改

效穀

在今安西州西

本魚澤障也桑欽說孝武元封六年濟南崔不意為魚澤

尉教力田以勤效得穀因立為縣名

孫寶傳寶下獄尚書僕射唐林爭之上以林比周左遷

敦煌魚澤障候

淵泉

在今安西州東南即柳溝衛也十三州志地多泉水故

以為名郡國志曰拼泉

廣至

今敦煌縣地通典後漢書注並云故城在瓜州常樂縣

東太平寰宇記云西北也

宜禾都尉治昆侖障

今鎮西府哈密通判治所後漢書注伊吾廬城本匈奴

中地名破呼衍卽其地置宜禾都尉以爲屯田今伊州
職納縣伊吾故城是也太平寰宇記宜禾故城在晉昌
縣西北明一統志在嘉峪關西一千六百里南去玉門
關八百里東南去陽關一千七百三十里

莽曰廣桓

龍勒

今安西州玉門縣地括地志有龍勒山在今縣南百五
十五里元和郡縣志今壽昌縣

有陽關玉門關皆都尉治

元和郡縣志陽關在壽昌縣西六里玉門關在晉昌縣
東二十步後漢書注玉門關在敦煌西北

氏置水出南羌中東北入澤溉民田

今日西拉搗金河也原出安西州南西北流逕沙州衛
東合布勒雞隆河入冥澤

安定郡武帝元鼎三年置

析北地置也

戶四萬二千七百二十五口十四萬三千二百九十四縣
二十一

高平

今平涼府固原州通典平高縣也後漢書注今原州縣

也閻氏若璩曰安定郡治高平

莽曰鋪睦

復累

安俾

孟康讀俾為卑

撫夷

在今涇州鎮原縣北元和郡縣志今臨涇縣兼有撫夷

縣地

莽曰撫甯

朝那

在今平涼府城北通典平涼縣漢朝那縣地史記正義

故城在百泉縣西七十里元和郡縣志在西四十五里

應邵曰故史記戎那邑

段氏玉裁曰左傳襄十三年釋文朝那如瀆朝音株

有端旬祠十五所胡巫祝又有湫淵祠

即朝那湫也祠在今固原州東十五里秦人詛楚投文

于此湫封禪書湫淵祠朝那蘇林曰湫淵方四十里停

水不流冬夏不增減不生草木括地志祠在平高縣東

南二十里

涇陽

在今平涼府城西四十里元和郡縣志故城在平涼縣

西四十里後漢書注在平高縣南通典太平寰宇記以

為在平涼縣南者誤也

開頭山在西

山在今固原州西南七十里俗謂之六盤山元和郡縣

志在平高縣西一百里或以爲在平涼府城西四十里者空桐山也非此史記五帝本紀作雞頭亦作笄頭字並通用

禹貢涇水所出東南至陽陵入渭

水今出固原州西南山東南流逕平涼府城北崇信縣北涇州北長武縣北邠州北三水縣南淳化縣西南涇陽縣南三原縣南至高陵縣南入渭

過郡三行千六十里雍州川

過安定右扶風左馮翊三郡

臨涇

在今鎮原縣西二里

莽曰監涇

鹵

濯水出西

烏氏

在今平涼府華亭縣西北卽瓦亭驛也後漢書注烏氏

縣有瓦亭故關在今原州南通鑑注故城在彈箏峽口

王氏念孫曰史記酈商傳破雍將軍烏氏索隱本作焉氏音於然反匈奴傳涇北有烏氏之戎呂氏春秋秦公子連去入翟從焉氏塞高注云塞在安定是焉氏卽烏氏也烏氏又作闕氏功臣表有闕氏節侯馮解散

烏水出西北入涇

本作入河誤也地道記龍池山烏水出地志無可攷隗囂傳云烏氏有龍池山微徑南通與漢相屬

都盧山在西

今日可藍山在平涼府城西南二十里

莽曰烏亭

陰密

在今涇州靈臺縣西五十里元和郡縣志靈臺縣理西

有陰密故城括地志在鶉孤縣西

詩密人國

應邵曰密須姑姓之國杜預同攷密有二一姬姓河南

郡密縣也一姑姓此是也國語云密須由伯姑韋昭注

世本云密須姑姓

有囂安亭

安定

在今鎮原縣東南

參繚

在今慶陽府城西北

主騎都尉治

三水

在今固原州東北水經注高平川水逕三水縣西縣西

南去安定郡三百四十里

屬國都尉治有鹽官

水經注縣東有溫泉泉東有鹽池

莽曰廣延亭

陰槃

今邠州長武縣後漢書注今涇州縣也元和郡縣志故城在宜祿縣西二十五里

安武

在今鎮原縣南元和郡縣志今臨涇縣兼有安武縣地

莽曰安植

祖厲

在今鞏昌府會甯縣北一百五十里敦斌城是李斐音嗟賴武帝紀有祖厲河

莽曰鄉禮

爰得

在今長武縣南太平寰宇記故城在新平縣界

朐卷

在今甯夏府中衛縣東應邵音朐為旬曰卷為箇籀河水別出為河溝東至富平北入河

今河水于甯夏府城東別出為河溝東北流逕平羅縣東復合于河者即其故瀆也

彭陽

在今鎮原縣東八十里括地志故城在臨涇縣東二十里後漢書注縣即今彭原縣也元和郡縣志在彭原縣西南六十里又云在義豐縣西四十里

鶉陰

在今蘭州府靖遠縣北通典後漢書注並云故城在姑臧縣東南太平寰宇記在南郡國志作鷓陰

月氏道

韋昭應邵音氏為支月氏國本在敦煌祁連間後為匈奴所逼西去宛西此則以其國降人所置者也

莽日月順

今蘭州府靖遠縣北通典後漢書注並云故城在姑臧縣東南太平寰宇記在南郡國志作鷓陰

新輯注地里志卷第十二終

